

UPM, IPTS jalin kerjasama

Perjanjian dengan enam institusi tawar program jarak jauh

>>Oleh Suliati Asri
suliati@hmetro.com.my

UNIVERSITI Putra Malaysia (UPM) meluaskan peluang pendidikan dengan menjalinkan kerjasama pendidikan awam-swasta melalui perjanjian dengan enam institusi pengajian tinggi swasta (IPTS), baru-baru ini.

Antaranya, Kolej Shahputra, Kolej Teknologi Timur, Kolej Teknologi Antarabangsa Cybernetics, Kolej Teknologi Bestari, Kolej Risda dan Kolej UNITI.

Pengarah Pusat Pengajian Luar (PPL) UPM, Profesor Dr Abd Aziz Saharee, berkata program kerjasama UPM-IPTS itu bagi menggalakkan penawaran program akademik secara jarak jauh.

Beliau berkata, memorandum perjanjian itu untuk menghasilkan graduan berkualiti setanding graduan kampus induk.

"Program ini membuka peluang lebih luas kepada masyarakat untuk melanjutkan pengajian ke peringkat lebih tinggi.

"la membantu IPTS kita menerap budaya akademik cemerlang," katanya.

Sementara itu, Naib Canselor UPM, Prof Datuk Dr Nik Mustapha R Abdullah, berkata



TERMETERAI...Nik Mustapa (empat dari kanan) bersama wakil IPTS yang menyertai program kerjasama UPM-IPTS.

pihaknya dan PPL sentiasa memantau proses pembelajaran serta kualiti pengajaran bagi program itu.

Katanya, badan khas dilantik senat universiti untuk memastikan kualiti prasarana dan pengendalian pengajaran serta pembelajaran berada dalam keadaan baik.

"UPM juga memastikan pendidikan yang dilaksanakan mencapai tahap ditetapkan Kementerian Pengajian Tinggi," katanya.

Melalui perjanjian ini, Kolej Teknologi Timur menawarkan Diploma Sains Komputer

Pembangunan Manusia dan Kolej UNITI menawarkan Diploma Kejuruteraan Teknologi Multimedia.

Kolej Risda menawarkan program Diploma Sains Komputer, Diploma Pertanian dan Diploma Pengurusan Perniagaan; Kolej Shahputra menawarkan Diploma Sains Komputer, Diploma Pengurusan Perniagaan serta Bachelor Pentadbiran Perniagaan dan Kolej Teknologi Bestari menawarkan Diploma Sains Komputer, Diploma Pengurusan Perniagaan dan Bachelor Pentadbiran Perniagaan.

Dokumen memorandum perjanjian itu ditandatangani Dr Nik Mustapa mewakili UPM dan Pengerusi Eksekutif Kolej Shahputra, Datuk Dr Azman Zaini Abdul Ghanie; Ketua Eksekutif Kolej Teknologi Timur, Datin Norayini Ali; Pengerusi Kolej Teknologi Antarabangsa Cybernetics, Datuk Dr Mohd Nasir Ismail; Pengerusi Eksekutif Kolej Teknologi Bestari, Datuk Dr Tengku Mahmud Mansur; Ketua Eksekutif Kolej Risda, Datin Dr Faridah Mohd Rashid serta Ketua Eksekutif Kolej UNITI, Mohd Zayed Sulaiman.